



**Nunavut Avatilikiyit Katimayit (NIRB) Titiraquta Nappaa: 12MN036**  
Nunavut Imaligiyyit Katimayit (NWB) Titiraquta Nappaa: 2AM-BRP1831  
Nunavut Parnaiyainiq Kamisan (NPC) Titiraquta Nappaa: 149863

Matyi 22, 2023

Umunnga: Merle Keefe  
Sabina Guulit Silverlu Kuapurisan  
Suite 202-930 West 1<sup>st</sup> St.  
Vancouver, BC V7B 3N4

*Tuyuqtauuyuk Qaritauyakkut Titiraqvitigut:* [mkeefe@sabinagoldsilver.com](mailto:mkeefe@sabinagoldsilver.com)

**UUMUUNA: Malikhaqni Naunaiqnit tapkuat Sabina Guulit Silverlu Kuapurisankut Kingulliqpaq Avatiliqutit Aktuanit Uqauhit Ilagiarut taphumunga “Hanningayuq Kuugaq Ikumatyut Havakvia” Havanguyuq Uuktut Pigiaqvikhlu tamna NIRB-kut Pitquhiliqutit Naunaiyaivikha**

Halu Merle Keefe:

Talvani Matyi 13, 2023, tapkuat Nunavut Avatiliriyit Katimayit (NIRB-kut uvaluniit Katimayit) pitaqtat Sabina Guulit Silverlu Kuapurisan (Sabina-kut uvaluniit Uuktutilik) Kingulliqpaq Avatiliqutit Aktuanit Uqauhit Ilagiarut (FEIS-ngi Ilagiarut) tuniyaunia taphumunga “Hanningayuq Kuugaq Ikumatyut Havakvia” Havanguyuq Uuktut (NIRB-kut Titiraquta Nappaa 12MN036). Tapkuat Katimayit pigiaqtat inmingnik naunaiyaqni FEIS-ngi Ilagiarutit naunairiangi malikhaqnit tapkununga atuqnilgit piyaqaqnit Avatiliqutit Aktuanit Uqauhit Hivulirutit (EIS-ngi Hivulirutit) taphumunga Hanningayuq Kuugaq Guulit Uyarakhiuqvik Havanguyuq<sup>1</sup> atuqnilgit Katimayit naunaiyaqninut tamna Havanguyuq Uuktut, mikiniqhamiklu EIS-ngi piyaqaqnit ihuaqhihimayut malikhugu Ilangani 12.5.2 tapkunani *Angirutit tapkunanga Inuit tahamani Nunavutagaayup Iluani tamnalul Nanngaqtartuq Quinguyuq kivgaqtuqhugu Kanata (Nunavut Angirutit)*, tamnalul ilangani 101(3) tapkunani *Nunavut Parnaiyainiq Havanguyutlu Naunaiyaqni Maigaqyuat*, Maligait Kanatami 2013, titiraqhimangani 14, ilangani 2 (NuPPAA).

Tapkuat NIRB-kut naunaiqtat tamna FEIS-ngi Ilagiarutit tuniyaayuq tapkunanga Sabina-kut malikhaqtat tapkuat piyaqaqnit ihuaqhihimani talvani *Nunavut Angirutit*, tapkuat *NuPPAA-ngi* tapkuatlu EIS-ngi Hivulirutit. Tapkuat NIRB-kut titiraqtigut pigiaqtai inungnut pitquhiliqutit

<sup>1</sup> Hivulirutit Hannaiyaqninut Avatiliqutit Aktuanit Uqauhit taphumunga Sabina Guulit Silverlu Kuapurisankut Hanningayuq Kuugaq Havanguyuq (NIRB-kut Titiraquta Nappaa 12MN036). Tuniyat tapkuat Nunavut Avatiliriyit Katimayit, Aipuru 30, 2013. [Inungnut Titiraqutit Naunaiykuta: 279549].

naunaiyaqni tapkuat FEIS-ngi Ilagiarutit piyut naunaiyaqtaulat tapkunanga NIRB-kut qaritauyakkut inungnut titiraqtai talvani [www.nirb.ca/project/125740](http://www.nirb.ca/project/125740).

#### PIDJUTAUHIMAYUQ TITIRANGA

Talvani Aagasi 12, 2022, tapkuat Nunavut Avatiliriyit Katimayit (NIRB-kut uvaluniit Katimayit) piyauyut pitquyauninit Nunavut Parnaiyit Kamisan (tapkuat Kamisan) naunaiyaqninut Sabina-kut “Hanningayuq Kuugaq Ikumatyut Havakvia” havanguyuq uuktut naunaiqtat Uuktut hilataanittuq inaa atuqnilgup nuna atuqnia parnaut. Tapkuat Kamisan tuniyat tamna Uuktut tapkununga NIRB-kut naunaiyaqnikha uuktutiqaqmat pivalianit ilagiyai uvaluniit huliniit ilagingitat titiratuqat Havanguyuq uvaluniit kinguagut ihuaqhigiaqrutit Havanguyumut hivuani naunaiyaqhimayai Katimayit. Taimaittumik, tamna Uuktut pityutai angiyumik ihuaqhigiaqni angiqhimayumut Havanguyuq malikhugulu Ilangani 12.4.3 tapkunani *Nunavut Angirutit* piyaqaqtitai naunaiyaqni tapkunanga NIRB-kut hivuani tuniyauniat kitutliqak pilarutit, laisauyut uvaluniit ahii angirutit piqatainit Maligaliqutit Pilaqtitiyit. Talvani Saptai 20, 2022, Sabina piqaqtitai tamna Uuktut tapkununga NIRB-kut tapkununga Katimayinit ihumagiyaunikhat. Linguagut tamatkiumayakha naunaiyaqni, tapkuat NIRB-kut tukhiqtai ilagiarutit tuhakhat piqaqtitauni Uuktutilikmit naunairiangi tamaat havakhait pitquhialu Uuktut. Una ilagiarut tuhakhaq piqaqtit Uuktutilgit talvani Aktuupa 26, 2022.

Talvani Januari 20, 2023, tapkuat NIRB-kut tuhaqhitat Minihitauyuq Ukiuqtaqtumi Havaktit pigiaqtitatu titiqanut ihumagiyaqtikhaqni maligait aturialgitlu Havanguyuq Titiraqtaq Nappaa 007 piplogu Sabina-kut “Hanningayuq Kuugaq Ikumatyut Havakvia” Havanguyuq Uuktut. Talvani Matyi 21, 2023, tamna Minihitauyuq pitaqniraqta pigiaqtitnia ihumagiyaqtikhaqnia Havanguyuq Titiraqtaq naunaiqhugu tahapkuat aturniqpat pityutit:

- Tamna Minihitauyuq angiqtai tamna havanguyuq pipkaiqpialaq aktuaninik tuktut aularnit, tikitpaktut tingmiat, tapkuatlu Inuit Nunaqaqaqtutlu angunahuaqnit.
- “Piplugu aktualaqnit aulaqninut iluilikmiutat tuktut amihuaqyuit (naunaipkutariplugu, Bathurst tapkuatlu Beverly), kavamatuqatkut atannguyait tuhaqhitniaqhimayai ahii Nunaqaqaqtut ilagiit attayutilgit tahapkununga amihuaqyuit tapkuninga Katimayit ihumagiqikhaqnit pityuhiq. Atannguyayut tuhaumatitniaqtai Katimayit havaktit ilagiit tuhaqhitauyanginik.”<sup>2</sup>

Ilagiplugitlu, tamna Minihitauyuq naunaiqtai atuqpiaqnit piqatauni maniktakhat tamnaunia: “Tapkuat Kavamatkut Kanata ilitturiyai ihuaqutauni katitaunit hivuanit piqatauyut maniktakhait pinahuaqniagai maniktakhat pilaqnit ikayuqturiangi piqatauyut aktuayaulanut ilagiit naunaiyainiqmut.”<sup>3</sup>

#### HAVANGUYUQ TAMAITNUT TAKUYAUNIA HAVAKHAITLU

Tamna Hanningayuq Kuugaq Havanguyuq inilik mikhaani 400 kilaamitat (km) nigiaata uataani nunaliuyuq Ikaluktutiak, 95 km nigiaata uataani nigianit ihuani Kingaok. Ihuaqhihimaniagut talvani

<sup>2</sup> Minihitauyuq Ukiuqtaqtumi Havaktit titiraqta tapkununga Nunavut Avatiliriyit Katimayit, Hanningayuq Kuugaq Ikumatyut Havakvia, NIRB-kut Titiraqta Nappaa 12MN036, Matyi 21, 2023, talvani makpiraq 2 [Inungnut Titiraqtai Naunaipkuta: 343349].

<sup>3</sup> Ibid

havanguyuuq unniqtuta, Sabina-kut uuktutilgit ihuaqhigiaqnia mikhigiarutaulaq atuqnianik ihuaqhihimalat uqhukhat taphumunga Hanningayuuq Kuugaq Havanguyuuq. Sabina-kut naunaiqtat tamna uuktut ihuaqhigiaqnia mikhigiaqrutauniaq atuqniahugini uqhukhat atquni talvani Hanningayuuq Kuugaq Havanguyuuq mikhaanut 50% taimatut piplugu mikhaani 700 ikitqiyat aulaqnit ukiumut tahamani Ukiumi Hikukkut Apqut talvanga Tariumi Iliuqaqvia Inaa piplugu ikikligiaqni piyalgit uqhukhat. Una mikhigiarutauniaqmiyuq havanguyuuq puyuitnik kaasit puyunguqtaqnit. Tamna uuktut piniqhimaaittuq ihuaqhigiaqnia kitutliqak Sabina-kut Uyarakhiurniqmut aulataunit. Tapkuat havanguyut huliniit unniqtugayut iluani taphuma “Hanningayuuq Kuugaq Ikumatyut Havakvia” ilalgit tahapkuat aturniqpat havariyai, havat uvaluniit huliniit:

- Hanayaunia atuqnialu 13 Anurimut Kaivittut Qulliliqutitiluruti:
  - Atuni aktialgit 4 tikitlugu 4.5 Megawatts;
  - Atuni piqaqniat mikhaani 138-miitat kaivittut attaqtunit katitlugu tamaat puqtunit mikhaani 150 miitat;
  - Anurimut Kaivittut Qulliliqutit akunniqalat akuttuninik 400 tikitlugu 550 miitat akunnit;
  - Uyarakhiuqvik umiliqat, Anurimut Kaivittut Qulliliqutit tunngavitlu iqaqtauniat iluani angiqtauyut nunami iqaqvut;
- Attaqtuhigiaqnia atuqtuq Havanguyuuq Pivaliatitni Inaa tikitlugu 273 hectares;
- Hanayauni piyalgit tikilaqni apqutit tapkununga Anurimi Kaivittut Qulliliqutit;
- Hanayauni Alruyaqtutit Havakvoa tunngavialu, mikhaani 400-miitat tamnalu 400-miitat tunngavia nalaani angiqtauyuuq Uquhuqyuat Qulliliqutiqaqvik, ilaqaqlunilu:
  - Paatyit Ikumatyutit Tutqumavi Havagutai (BESS) ilalgit tapkuat lithium-ion paatyit piqaqtut mikhaani qullit (10) 40-itigait tariuqmi uhityutt qiuqutiyyuat uvaluniit ayyikkutai igluqpak uvaluniit tuklirit hanahimanit; tamnalu
  - hiqiniqmut hatqiyviunit 200-miitat tamnalu 400-miitat;
- Iliuqaqni mikhaani 5 tikitlugu 7 kilaamitat alruyaqtut nuktirautit alruyat talvanga Anuritut Kaivittut Qulliliqutit talvunga Alruyaqtutiqaqvik:
  - Alruyat iliuqaqni natiqnainaqmut tamnalu/uvaluniit iliuqaqni nalaanut tikilaqnia apqutit hauhimayutlu nunavaluknit; tamnalu
  - Naahuriplugu havakvik qanuritnit, ilai uvaluniit tamaita alruyaqtutit nuktirautit alruyat iniqalat qulaagut napaaqtut.

Tamaita titiqat piqatai tapkuat Hanningayuuq Kuugaq Ikumatyut Havakvia Uuktut, ilautitlugit tukhiraut hunat tuniyai Uuktutilgup tapkununga NIRB-kut piyaulat talvanga NIRB-kut qaritauyakkut inungnut titiraqaqvi talvani [www.nirb.ca/project/125740](http://www.nirb.ca/project/125740).

#### TAPKUAT NIRB-KUT PITQUHILIQUTIT NAUNAIYAQNI PITYUHIQ

Ilagiplugu tamna NIRB-kut ihumagitqikhaqtat maligait aturialgitlu Havanguyuuq Titiraqtaq Nappaa 007 naunaiyaqnilu aktuanit taphuma “Hanningayuuq Kuugaq Ikumatyut Havakvia” Havanguyuuq Uuktut, tamna pitquhiliqutit naunaiyaqni pityuhiq piniqhimaayuuq piqaqitni unniqtuttiaqni tapkuat FEIS-ngi Ilagiarutit qauyihaqni nakuunit tuhagakhat hatqiqtitai Uukturutilgup. Piqatauyut pitquyayut naunaiyaqni tapkuat FEIS-ngi Ilagiarutit tuniyauni pivaliatitnilu Tuhagakhat Tukhigayut. **Tamna Pitquhiliqutit Naunaiyaqni Uqauhit kinguaguqniaq tapkununga Tuhagakhat Tukhiqnit.**

## NIRB-kut Ququaqtut Tuhagakhat Tuhkhiqnit

Ikayuriangi pivaliatitnit pitquhiliqutit naunaiyaqni uqauhiit piqatauyunit, tapkuat NIRB-kut pitquyai piqatauyut piqaqtitnit tapkuat NIRB-kut tapkuninga Tuhagakhat Tuhigaunit (IR) turaqpiaghugu tapkuat Uututilgit tamnalu/uvaluniit ahii piqatauyut ilauyut naunaiyaqnik tamna “Hanningayuq Kuugaq Ikumatyut Havakvia” Havanguyuq Uuktut. Naunaiqtauyukhat tapkuat IR-ngi piniaqhimaittut kivgaqtuqni pitquhiliqutit naunaiyaqni uqauhiit, kihimik piyukhat naunaiqni tuhagakhat piilrut talvani FEIS-ngi Ilagiarutit hugiaqtakhat piyakhai piqatauyut iniqtiqni angiyunik nakuuyuniklu pitquhiliqutit naunaiyaqni tapkuat FEIS-ngi Ilagiarutit pivaliatitnilu atuni pitquhiliqutit naunaiyaqni uqauhiit. Naunaiqniaqat tahapkuat piqatauyut pinahuaquyayut naunaiyaqni Ilagiarut A uumunga titiraq, tapkuat piqaqtitai tapkuat NIRB-kut aturahuayuyai pityuhiq pivaliatitnit IR-ngi ilagiarutitlu uingaiqni piplugit tuhagakhat piyalgit ilaliutiyukhat tuniyaayunut:

- Uingaiqtuq naunaipkutaq aktilangit, titiqat, ilagiyai, tamnalu/uvaluniit makpiraq nappaa talvani FEIS-ngi Ilagiarutit turangayut tuhagakhat nalvault, atuqata;
- Kinamut tapkuat IR-ngi turaqtat;
- Naunaiqni pityutit tapkuatlu taihimayut tuhagakhat tukhiqtauyut;
- Tamna ihumaalut piqatai tuniyauninut piyalgitlu tuhagakhat; tamnalu
- Uingaittuq pityutigiya tuniyaunia tuhagakhatlu atuqpiaqnit aktuaninut naunaiyaqni uuktutit havanguyuq.

Tapkuat NIRB-kut piqaqtitmiyai pityuhit nunaayaq (takulugu Ilaliutihimayuq) naunairianga hatqiqtitnia nakuuyuy malikhaqnia naunaiqni, turangayutlu pivikhait naunaiqtauyut tahapkunani titiqat. Naunaiqlugu tapkuat Katimayit ihumamigtut pilaruta nutanguqtinqi tukliit atuqtakhat pivikhaitlu qanuritniq tahapkunani titiqat.

Ublua	Pityuhit Tuklirit
<b>Matyi 13, 2023</b>	Sabina-kut tuniyai FEIS-ngi Ilagiarutinit.
<b>Matyi 22, 2023</b>	NIRB-kut tuniyai nakuuyut malikhaqnit naunaiqni. Pitquhiliqutit naunaiyaqni pigiaqtitai tapkunanga tukhigaunit piqatauyunit tuniyai Tuhagakhat Tuhigaunit (IR) turahugit NIRB-kut (30 ublut).
<b>Aipuru 21, 2023</b>	Piyauyumayut piqatauyut tuniyai IR-ngi turaqhugit NIRB-kut.
<b>Mai-Juni 2023</b>	Nunaliuyut Tuhagakhat Katitvit talvani Ikaluktutiak, Kugluktuk, Taloyoak, Kugaaruk, tamnalu Uqhuqtuuq.
<b>Aipuru 26, 2023</b>	NIRB-kut ihumagiyai tamaita IR-ngi ihumaliuqhutiklu piplugit aturuminaqnit. NIRB-kut tuniyai tamaita naamaktut tukhiraqnit Uuturutilikmut (ahiilu piqatauyut atuqniqaqat).
<b>Mai 12, 2023</b>	Sabina-kut (ahiilu piqatauyut) tuniyai kiutyutit tapkununga IR-ngi (15 ublut piqaqtitauyut kiuvikhait); NIRB-kut pigiaqtitai 30-ublut pitquhiliqutit naunaiyaqni pivikha.
<b>Juni 15, 2023</b>	Piqatauyut tuniyai pitquhiliqutit naunaiyaqni uqauhiit NIRB-kutnut
<b>Juni 20, 2023</b>	NIRB-kut ihumagiyai pitquhiliqutit naunaiyaqni uqauhiit tuniyailu Uukturutilikmut (ahiilu piqatauyut).
<b>Julai 4, 2023</b>	Sabina-kut (ahiilu piqatauyut) tuniyai kiutyutit tapkununga pitquhiliqutit naunaiyaqni uqauhiit.

Ublua	Pityuhit Tuklirit
<b>Saptaipa 2023</b>	Pitquhiliqutit Katimaniq, Nunalikni Katimapkainiq tamnalua Naalaktititnagit Katimapkainiq (tautugutiplutik Ikaluktutiakmi)
<b>Aktuupa 2023</b>	Naalaktititnagit Katimapkainiq ihumaliurut tuniyauyuq naunaiqni pivikhai, qanuq atuqniaq, kitutluliqak piqatai Inungnik Naalakvik; Inungnik Naalakvik tuhaqhityuta
<b>Ihumaliuriaqaqtuq</b>	NIRB-kut Inungnik Naalakvik

Tatyallak tapkuat NIRB-kut qaitquyai tamaita piyumayut piqatauyut tunihini inmingnit IR-ngi tapkununga FEIS-ngi Ilagiarutit tamnaunia [Ilagiarut A](#) uumani titiraq, tapkununga NIRB-kut atuqhugu [info@nirb.ca](mailto:info@nirb.ca) talvani hivuaniluniit **Aipuru 21, 2023**. Piqaqat kitunitliqak piqatauyut apiquitiqaqata uvaluniit piyaqaqni ilagiarutit uingairutit piplugit NIRB-kut naunaiyaqni taphuminga “Hanningayuq Kuugaq Ikumatyut Havakvia” Havanguyuq Uuktut turaqvigilugu Guillaume Daoust talvani [gdaoust@nirb.ca](mailto:gdaoust@nirb.ca) uvaluniit (867) 983-4609.

Titiraqtuq,



Keith Morrison  
Kamagiya, Aktumayunik Qauyihaiyini  
Nunavut Avatiliriyit Katimayit

Ilaliutihimayut: *Ilagiarut A: Aturahuaquyauyuq Atuqnikha taphuma NIRB-kut Tuhagakhat Tukhiraqnit*

Ilaliutihimayuy (1): *Niriugiyauyuq Pityuhiq taphumunga NIRB-kut Naunaiyaqni Sabina Guulit Silverlu Kuapurisan “Hanningayuq Kuugaq Ikumatyut Havakvia” Havanguyuq Uuktuta (NIRB-kut Titiraquta Nappaa 12MN036/125740), Matyi 22, 2023*

Hamna Aadjikutaanik Tuyuqtauyut: Hanningayuq Kuugaq Tuniuqagaayut Titiqat  
Mathew Picard, Sabina Guulit Silverlu Kuapurisan  
Stephanie Autut, Nunavut Imaligiyyit Katimayit  
Karén Kharatyan, Nunavut Imaligiyyit Katimayit  
Sergey Kuflevskiy, Nunavut Imaligiyyit Katimayit  
Carson Gillis, Nunavut Tunngavik Nanminilgit  
Wynter Kuliktana, Kitikmeot Inuit Katimayit  
Dianne Lapierre, Nunavut Kavamanga  
Laura Harris, Nunavut Kavamanga  
Alexie Baillargeon, Ukiurtaqtumi Havanguyut Maniyauyut Aapisia  
Tracey McCaie, Kavamatuqatkut-Nunaqaqaqtut Piqatigikni Ukiuqtaqtumilu Havaktit Kanata  
Jody Small, Avatiliriyiitkut unalu Hilaup Aadlangurninnga Kanata  
Julie Anderson, Aanniaqtuligiyyit Kanatami  
Peter Unger, Anguhikiyyit Kanatami  
Aulatyutiligiyyit Kanata

## ILAGIARUT A: ATURAHUAQUYAUUQ ATUQNIKHA TAPHUMA NIRB-KUT TUHAGAKHAT TUKHIRAQNIT

### ***Qanuq Pitquhia Titiqatlu Aktilanga***

Piqatauyut piqaqtittaqaqtai tuniyaunit tamatkiumalugit atuttiaqni, qaritauyakkut qinigaulaqni Word uvaluniit PDF titiqat nutauniqpanik titiqni Adobe piyaulanik hanatyuhit. Naunaiqhugit tatya pittaillitit piplugit qaritauyakkurutit pilarutai kayumitnilu Nunavutmi, tapkuat NIRB-kut tukhiqtai tamaita titiqat tuniyauni titiqanik anginiqpaqaqtitlugit akungani 10 tikitlugu 25 MB.

### ***Tuhagakhat Tukhiaqnit***

Tamna pityuta Tuhagakhat Tukhigaunit naunairiangi tuhagakhat piilrut uvaluniit piyauni naunapyaknit tapkunani FEIS-ngi Ilagiarutit piyalgit hugiaqtauni piyakhai piqatauyut pivaliatitnit piplugit pitquhiliqutit naunaiyaqni uqauhiit. Tahapkuat piyaungittut qanuritnahugini nakuunit naunaiyautit piqaqtitni, tukhigauyut naunaiyatqikhaqni uvaluniit allanguqni iniqtirutai FEIS-ngi Ilagiarutit, kihimivalluq naunaiqni kitutliqak ilagiarutit tuhagakhat piyalgit kangiqhiyangi iniqtirutit piyauni titiqat, naunaiqni piilrut ikayutit hunat, uvaluniit uingaiqni iluliriyai piplugit pityut pinahuginilu uuktutayutitugit. Tuhagakhat tukhigauni tapkunangalat, turaqtaulutiklu, kitutliqak piqatauyut ilaayut naunaiyainiqmut.

Tuniyauyut naunairiaqaqtai hunat taihimayut tuhagakhat piyalgit titiqnilu hungmaty tuhagakhat piyaqaqni piyalgit ikayuqhiutiyangi piqatauyut pitquhiliqutit qauyihaqni tapkuat FEIS-ngi Ilagiarutit uvaluniit aktuanahuquqni havanguyumut. Tapkuat NIRB-kut naunaiyaqniagai ihuaqnit atuni tukhigauyut, ihumaginit pityutilluat pityut naunaiqtai, ihuaqhigtiaqnilu tahapkuat piyaqaqnit qanurittuninut qauyihaqnit nigugiyaulaqni atuqni pitquhiliqutit naunaiyaqvikhani.

Piqatauyut apiriyauyut atuqpiariangi Tuhagakhat Tukhigaunit hugiaqni pityutai ihuaqhihimani ataani:

<b>IR-ngi Pitaqvut:</b>	Naunaiqnia timiuyuq/timinga/pityutilik uktutilik tukhirautek.
<b>IR-ngi Nappaa:</b>	Atuni taihimayut Tuhagakhat Tukhirautek nappalirialgit pilariakhai atuttiaqtumik naunaiyaqni tuniyauyut.
<b>IR-ngi Turaqtakhat Talvunga:</b>	Uingaittumik naunaiqni timiuyut/timingit/havakvit tahapkuat IR-ngi turaqviuyut (naunaipkutariplugu, tamna Uuktutilik tamnalu/uvaluniit taihimayuq timiuyuq(t) taphumunga tuhagakhat tukhiqtuq).
<b>Pityuta:</b>	Naunaiqlugit pityutit; titiqlugit tamaitnut pityutat pityutluniit piqata tapkuat tukhigauyut (naunaipkutagilugu, munaginit nunavaluit qanugitnit).
<b>Naunaipkutaq:</b>	Piqaqtitni uingaittut naunaipkutat kitunutliqak atuqnilgit taiguat, titiqat, ilagiyat, tamnalu/uvaluniit makpiraq nappaa talvani FEIS-ngi Ilagiarutit tapkuat tuhagakhat turangayut tukhigaayunut nalvaulat.
<b>Pityut/Ihumaalut:</b>	Piqaqtitni unniqtutit tuhagakhat pityutailu tukhigaayunut. Tamna pityut/ihumaalut naunailaqa kitutliqak tungauhimani piyaulat tuhagakhat, ihumaalutit piqatai pityutaayup qanuqlu tamna tukhirautek tuhagakhat turangayangi pitquhiliqutit qauyihaqninut tuhagakhat iluani FEIS-ngi Ilagiarutit. Uingaittuq pityuta pityutaayup atuqpiaqnia ihuaqhautailu

	pitquhiliqutit naunaiyaqni uqauhiit tamaitnutlu aktuanit naunaiyaqni uuktutit havanguyuuq piyalgit.
<b>Tuhagakhat Tukhiaqnit:</b>	Taihimayut uqauhiq apikut tamnalu/uvaluniit titiqni taihimayut tuhagakhat tukhigauyut taphumunga Uuktutalik uvaluniit timiuyuuq. Ilikkut hunat tukhigauni naamakhiyakhat nappait piyakhait nanittiriaqni piqaqnit kiutyutit.